

8. GIZARTERATZEA

8.1. Gizarteratzea eta laneratzea

8.1.1. Diagnostiko soziolaborala

2023an, banakako diagnostiko soziolaboralak egiten jarraitu dugu, gizarte zerbitzuak erabiltzen dituzten pertsonen laneratze zein gizarteratze ibilbideak eraikitzeke abiapuntu modura. Guztira, 56 fitxa soziolaboral egin dira. Gizarte zerbitzuguneen arabera, honela banatu ziren::

Gizarte zerbitzugunea	Emakumeak	Gizonak	Guztira	%
Parte Zaharra - Erdigunea	2	1	3	%5,36
Amara	7	1	8	%14,29
Larratxo – Altza	6	7	13	%23,21
Gros – Egia	1	4	5	%8,93
Antigua	3	6	9	%16,07
Erribera – Loiola – Martutene	0	0	0	%0,00
Intxaurrondo	5	4	9	%16,07
Bidebieta – Herrera	4	1	5	%8,93
Gizarte Larrialdietako Udak Zerbitzua	0	4	4	%7,14
Gizarte- eta lan-fitxak guztira	28	28	56	%100

Donostiako Sustapenak aldaketa nabarmena izan du duela urte batzuetatik abian jarritako preskakuntza- eta enplegu-programan. Urte horretara arte, kolektibo jakin batzuek lehentasuna zuten hautaketa-prozesuetan (emakumeek, DSBEn onuradunek, 45 urtetik gorako langabeek...). Gaur egun, urteko programa hau langabetuentzako programa bihurtu da, eta, beraz, prozedura aldatu da. 2023tik, urte osoan zehar, fitxak bidaltzen dira Donostiako Sustapenera, pertsonen lan-orientazioa jaso dezaten.

2023an 56 bideratze izan dira, eta horietatik 15 Emakuntza programara bideratu dira (EDE Fundazioaren emakumeak ahalduzko eta gizarteratzeko zerbitzua). Orientazio-zerbitzua 26 pertsonari eman zaie, eta gainerako 14ak ezin izan dira aurkitu edo ez dute interesik erakutsi. 23 pertsonak eman dituzte enplegura bideratzeko urratsak; horietatik 6 okupatuta daude eta 1 enplegu babestura bideratu da.

8.2. Gizarte eta hezkuntza arloan eta arlo psikosozialean esku hartzeko zerbitzua arrisku egoeran dauden pertsonentzat (lehenago, lagun egiteko eta gizarte sustapenerako programa)

Gizarte bazterkeriako egoeran edo arriskuan dauden eta lan merkatuan sartzeko zailtasun bereziak dituzten pertsonak gizarteratzen laguntzeko programa da. Gizarte eta Hezkuntza arloan eta arlo psikosozialean esku-hartzeko Zerbitzua bazterkeria arriskuko egoeran dauden pertsonekin esku hartzeko programa espezializatua da beren autonomia pertsonalean nolabaiteko murrizketa dutenen pertsonen zuzendua, ohitura, trebetasun sozialak edo baliabide pertsonalak ez izateagatik.

Programa honek lau lantalde desberdin ditu, kolektibo desberdinetara zuzenduta:

ELKARREKIN. Bazterkeria arrisku larrian dauden pertsonentzako tailerra da. Laneratzeko pronostiko negatiboa izan ohi dute eta zailtasun handiak dituzte zenbait arlotan Tailerraren helburua, laneratzeko pronostiko txarra duten pertsonen eguneroko bizitzarako oinarritzkoak diren trebetasunak garatzen laguntzea da.

AURRERA. 2017ko abenduan martxan jarri zen tailerra da. Gizarte-hezkuntza arloko esku-hartzearen eskaintza handitzeko helburuarekin antolatu zen eta honen barne, oinarritzko gizarte trebetasun eta eguneroko bizitzarako trebetasunen arloan zailtasun handiak dituzten baina hobetzeko gaitasuna duten pertsonen beharrei erantzuteko, aipatutako arloetan aldaketa garrantzitsuak lortu ditzaten.

BIDEAN. Tailer hau gizarte bazterkeriako arriskuan dauden pertsonen zuzenduta dago, lan merkatuan sartzeko baliabideetatik urrun eta trebetasun sozio-pertsonalak sendotu beharrean aurkitzen dira (lan ohiturak, enpleguaren zentraltasuna, komunikazio trebetasunak eta beste batzuk) laneratzeko ibilbideko aurretiko prozesu gisa. Programaren helburua trebetasun pertsonalak eta sozialak garatzea da. Eskakizun handiagoak dituzten tailerretan lan egiteko aukera izan dezaketen pertsonekin lan egiten da. Beraz, tailer hau ibilbidearen tarteko urratsa da laneratze bidean.

EMARI. Emakumeei zuzendutako programa da. Ohitura eta trebetasun sozioprofesionaletan eta pertsonaletan trebatzera zuzenduta dago. Tailerra gizarte bazterkeriako egoeran edo arriskuan egon eta aldaketa prozesuak aktibatze beharra duten emakumeentzat da, gehienbat gizarte harreman gutxi dituzten emakumeak, erreferentzia eta topaketa espazio propioak ez dituztenak, eta trebetasun sozialak eta pertsonalak sendotzeko beharra dutenak. 2023ra arte tailer hau astelehenetik ostegunera ematen zen eta, urte honetatik aurrera, ostiraletara ere zabaldu da.

Ondoko taulak proiektuak eta parte-hartzaileak adierazten ditu:

PROIEKTUAK	Emakumeak	Gizonak	Guztira
Elkarrekin	3	18	21
Bidean (lan aurrekoa)	3	21	24
Emari	18	0	18
Aurrera	0	25	25
Parte-hartzaile guztira	24	64	88
Ehunekoak (%)	%28	%72	%100
PERTSONA KOPURUA GUZT.			85

Esan behar da artatutako pertsona guztietatik hiru pertsonak tailer batean baino gehiagotan parte hartu dutela. Egoera horrek pertsonen ibilbidearen prozesu pertsonalaren bilakaerari erantzuten dio, bai eta pertsonen interesak eta beharrak egokitzeari ere. Beraz, datu hori kontuan hartuta, 85 pertsonak parte hartu dute talderen batean.